

U F A L M E
W A K O
U J E

NOVENA



TAFAKURI JUU YA 1 PETRO

ASKOFU MKUU WA CANTERBURY

Justin Welby

Ufalme Wako Uje: Novena
(Tafakuri juu ya 1 Petro na Askofu Mkuu Justin Welby)
Hakimiliki © 2022 na Thy Kingdom Come.
Imetumiwa kwa ruhusa. Haki zote Zimechifadhiwa Duniani Kote.

Mafungu kutoka 1 Petro yaliyotumiwa kwenye toleo hili yametolewa kutoka
Toleo la Kiswahili cha Kisasa (Neno: Biblia Takatifu)
Hakimiliki ©1984, 1989, 2009, 2015 na Biblica, Inc.* Imetumiwa kwa ruhusa.
Haki zote Zimechifadhiwa Imechapishwa Duniani Kote.

T“Biblica” na Nembo ya Biblica Logo ni alama za kibiashara zilizosajiliwa Biblica, Inc katika Ofisi ya
Hataza na Alama za Kibiashara ya Marekani. Imetumiwa kwa Ruhusa.

Vielelezo vimefanywa na Anna Heslop.
Wasiliana na Anna kuoitia Instagram:  miss_print_19

Kimechapishwa mwaka 2022 na Church House Publishing | www.chpublishing.co.uk
Church House Publishing,
Church House,
Great Smith Street,
London SW1P 3AZ

Biblica (zamani ilijulikana kama International Bible Society) hutoa Neno la Mungu kwa watu kupitia
tafsiri ya Biblia, uchapishaji wa Biblia na shughuli za kibiblia barani Afrika, Pasifik ya Asia Mashariki,
Ulaya, Amerika Kusini, Mashariki ya Kati, Amerika ya Kaskazini na Asia ya Kusini. Kupitia ueneajি
wake duniani kote, Biblica huwapatia watu Neno la Mungu ili maisha yao yabadilishwe kupitia
kuhusiana na Yesu Kristo.
www.biblica.com

Skani hapa ili
usome
1 Petro yote





Katika siku kati ya Kupaa na Pentekoste, imekuwa tabia ya Wakristo wengi, kwa karne nyingi, kufanya lengo la maombi yetu kuwa sawa na wale waumini wa kwanza. Maagizo ya mwisho ya Kristo kwa wanafunzi wake siku ya Kupaa Kwake ni ‘*subiri zawadi ambayo Baba yangu aliahidi*’ (*Matendo 1:4*).

¹² *Ndipo waliporudi Yerusalemu kutoka Mlima wa Mizeituni...*

¹³ *Walipowasili mjini Yerusalemu, walikwenda ghorofani kwenye chumba walichokuwa wakiishi...* ¹⁴ *Hawa wote waliungana pamoja katika maombi. Pamoja nao walikuwepo wanawake kadha, na Maria mama yake Yesu, pamoja na ndugu zake Yesu.*

Matendo 1:12-14

Maagizo ya kumngojea Roho Mtakatifu ni muhimu sana kwa sababu bila uwepo wa nguvu ya Roho, haiwezekani kuwa shahidi mwaminifu wa Kristo. Tunahitaji karama hii ya Baba ili tuwe watu ambao Kristo anatuita tuwe. Basi, Roho si kwa ajili ya uzoefu wetu binafsi, ila kwa ajili ya uzima wetu kwa Kristo ulimwenguni.

Ufalme wako Uje inatuhimiza kila mmoja wetu kuwa na watu watano maalumu akilini mwetu katika siku hizi; ili zawadi ya Baba itende kazi kupitia kwetu kwa ajili yao, lakini pia iguse maisha yao wenywewe. Ninakuhimiza sasa utumie muda kidogo kubaini wale ambao utawaombea katika siku hizi, pengine uandike majina yao kinyume.

Novena hii inataka kukuwezesha unaposubiri zawadi aliyoahidi Baba, kwa kuzingatia mafungu tisa maalumu katika barua ya kwanza ya Mtakatifu Petro – mmoja wa wale waliokuwa katika chumba cha juu. Kila siku tutachukua fungu moja kati ya mafungu hayo na tuweze kubadilishwa nalo. 1 Petro ni moja ya vitabu nivipendavyo, na hutoa ujumbe wa Lambeth Conference msimu huu wa joto. Ni kitabu kinachofungua mioyo yetu kwa Mungu na kuinua macho yetu kwa familia ya Mungu ulimwenguni.

Ninamshukuru sana *Anna Heslop* ambaye ameunda picha nzuri zaidi za kuambatana na fungu la kila siku. Ninaomba kwamba maneno haya na picha zikupatie fursa ya kungojea zawadi ambayo Baba ameahidi.

1.

2.

3.

4.

5.

1 PETRO 1:1-2

¹ Petro, mtume wa Yesu Kristo:

Kwa wateule wa Mungu, wageni katika ulimwengu, waliotawanyika kote katika Ponto, Galatia, Kapadokia, Asia na Bithinia.² Ni ninyi ambao mlichaguliwa tangu mwanzo na Mungu Baba kulingana na alivyotangulia kuwajua, kupitia kwa kazi ya utakaso wa Roho, katika utifui kwa Yesu Kristo na kunyunyiziwa damu yake:

Neema na amani ziwe kwenu kwa wingi.

Kuwa Mkristo unapaswa kuonekana kuwa ni mtu ‘tofauti’. Katika Barua yake ya Kwanza mtume Petro anawaandikia watu waliohamishwa, jamii ya watu ambao wanaishi kama wageni na wakimbizi huko Asia Ndogo. Watu hawa walijua jinsi ilivyo kuwa mgeni katika jamii yao – wakisumbuliwa na kukataliwa.

Lakini Petro pia anawaandikia watu ambao wako uhamishoni kwa maana tofauti: kama Wakristo, tunatumia maisha yetu ulimwenguni tukiwa uhamishoni, tukiwa tumetengwa na makazi yetu ya milele Mbinguni pamoja na Baba.


Kuwa Mkristo ni kuwa tumepewa utambulisho tofauti kwa wengine: badala ya kujitambulisha kulingana na familia zetu, utaifa wetu, kiasi cha fedha tulichonacho, au vitu vingine vyovoyote ambayo wakati mwininge tunafikiria vinatufanya sisi tuwe tulivyo, sisi, tuliobatizwa, tuko ‘ndani ya Kristo’, ukweli wa kina ambao umetolewa na bado haujatambuliwa kikamilifu. Tumeitwa ili tupate utambulisho wetu katika nafsi ya Yesu Kristo pekee.

Petro anazungumza na wale walio uhamishoni lakini wamechaguliwa na Mungu. Jamii hizi zinaweza kutukanwa ulimwenguni, lakini zinatakaswa, kufanywa watakatifu na Roho. Wakristo ni watu ambao hawachukulii mamlaka na viongozi wa kidunia kuwa chanzo kikuu cha mamlaka: sisi ni watifi kwa Yesu.

Yote haya yanawezekana tu kwa zawadi ya Roho Mtakatifu.

Tunawaombea wengine kwa bidii ili wageuzo miyo na akili zao wamfuate Kristo, hebu tuanze kwa kuuliza: tunaishije kwa njia ambayo inatupatia alama tofauti? Je, ushuhuda wetu huwafanya watu wadadisi kuhusu imani, badala ya kuipinga? Ninaishije maisha yangu kwa namna tofutati kwa sababu ya Habari Njema ya Yesu Kristo, na wengine wanaona na kusikiaje?

Petro anazungumza na jamii halisi zinazokabiliwa na shida halisi, lakini anawasalimu kwa nuru ya neema nydingi za Mungu na amani. Nakuombea onyeshe neema na amani kwa wote unaokutana nao unaopanza safari hii leo.



1 PETRO 1:12

¹² *Walidbihirishiwa kwamba walikuwa hawajihudumii wao wenyewe, bali waliwahudumia ninyi, waliponena kuhusu mambo hayo, ambayo sasa yamehubiriwa kwenu na wale waliowahubiria ninyi Injili kwa Roho Mtakatifu aliyetumwa kutoka mbinguni. Hata malaika wanatamani kuyafahamu mambo haya.*

Kila mtu anatafuta maana ya maisha yake. Sote tunapitia maisha ya kutafuta kitu. Labda tunatamani kupendwa, au kukubaliwa, au kuonekana sisi ni akina nani hasa. Labda tunatamani kuelewa sisi ni nani, na kwa nini tupo hapa ulimwenguni. Tunatamani kuwa karibu na Mungu wetu na muumbaji, hata ikiwa hatujui. Tuna shauku ya kujua maana ya maisha kwa sababu hivi ndivyo Mungu alivyotumba. Na ni maana yake tu ambayo inatimiza utafutaji wetu. ‘*Umetuumba sisi Buana kua ajili yako mwenyewe, na mioyo yetu haitatulia hadi ipate pumzikolo lake ndani yako,*’ kama alivyosema Mt. Augustine.

Kila mtu ambaye amewahi kuishi amejeua uchungu huu wa kutamani. Katika mstari wa leo, Petro anzangumza juu ya manabii. Walikuwa wakitafuta pia: ‘*walijaribu kutafuta kujua ni nani au ni wakati upi uliomaan ishma na Roho wa Kristo aliyekuwa akisema ndani yao*’ (1 Petro 1: 11). Hata ingawa Kristo alikuwa bado hajazaliwa, Roho Mtakatifu alikuwa ndani yao, akiwawezesha kutarajia zawadi kuu ya Mungu, Kristo Yesu – Mungu pamoja nasi.

Sasa mtu huyo amefunuliwa, habari njema ilitangazwa; na tunahudumiwa, tunajifunza, kuititia manabii wale ambao walijitahidi kuwa karibu na Mungu, zaidi ya miaka elfu mbili na nusu iliyopita. Hiyo ndiyo ajabu ya Mungu kwamba hatufanyi tu ahadi yake ijulikane kwa wale walio karibu nasi, bali tunaweza kujenga mnyororo ambao unaweza kuwasaidia wale wanaotafuta muda mrefu baada ya sisi kuondoka.

Na habari ya kushangaza kweli ni kwamba kile tunachotamani sana tumepewa bure. Mungu tunayemtafuta hakuja kwetu tu na kuishi nasi; bali alikufa kwa ajili yetu! Tumeletewa habari njema na Roho Mtakatifu, aliyetumwa kutoka mbinguni! Hata malaika wana hamu ya kuangalia kwa karibu katika ajabu ya wokovu wetu.

Kuititia zawadi hii wote wanavutwa kwa wokovu. Manabii waliitafuta. Malaika wanatamani kuiangalia! Mungu anajua kwamba tunatamani uwepo wake, lakini hamu yetu kwake ni kielelezo kipana cha hamu yake kwetu. Ndiyo sababu alimtuma mwanawewe. Ndiyo sababu anatupa roho yake.

Ukiyawakumbuka akilini wale watu watano ambao wamelengwa na maombi yako, unagundua nini kuhusu utafutaji wao? Unawezaje kuangaza nuru, kama manabii wa Agano la Kale walivyofanya, ambayo husaidia kuwaelekeza watu kuelekea hazina wanayoitafuta? Je, utafutaji wako ambao utadumu maisha yako yote, unawezaje kuelekeza watu zaidi kwa Mungu anayetuiniulia mkono wake, na kutumaini tunaweza kuurudisha nyuma?



1 PETRO 2:2

²Kama watoto wachanga, waliozaliwa sasa, yatamanini maziwa ya kiroho yasiyochanganywa na kitu kingine chochote, ili kwa hayo mpate kukua katika wokovu.

Watoto, waliozaliwa katika ulimwengu mpya wa ajabu na wenyе vurugu, wanategemea kabisa wale wanaowapa huduma. Mahitaji yao na silika ni ya msingi sana, chakula, ukarimu, upendo. Kwa mambo haya wao ni tegemezi kwa wengine, wanyonge, dhaifu. Tunakumbuka mfano wa mtoto wa Kristo, Mungu aliyejifanya mdogo na mnyonge kwa ajili yetu ambao kwa kweli ni wanyonge bila Yeye. Wale ambao Petro anawaandikia pia wanaishi katika ulimwengu huu wa ajabu na wenyе vurugu nydingi, ulimwengu ambao tunakwenda vibaya, ambapo faraja pekee inatoka kwa Mungu.

Lakini watoto hukua. Tunatumaini watakuwa watu wenyе busara, wema, wenyе tija katika jamii – lakini tu kwa lishe ya wale wanaowajali. ‘Maziwa’ katika Biblia mara nydingi huwakilisha baraka na wingi: mama hutoa maziwa yake kwa uhuru, kwa upendo, wakati wowote mtoto anapohitaji, bila masharti, bila kuhitaji ‘kupata’ au ‘kustahili’.

Ni chanzo cha maisha, ishara ya kujali, lakini pia ni rahisi kumeng’enza. Ukimpa mtoto nyama mara tu anapozaliwa, hatakuwa na meno ya kuitafuna.

Vivyo hivyo, tunapokuja kwa Kristo, tunazaliwa mara ya pili. Tunaanza maisha mapya kama watoto wa Mungu. Mungu hutupa nafasi ya kukua, kukomaa, kuimariika – mchakato ambao hudumu maisha yetu yote. Hatuwezi kamwe kukua na kuacha maziwa, kwani kile tunachoanza nacho katika safari hii kinatutegemeza katika maisha yetu kama Wakristo.

Je, ni maziwa gani haya, yanayotutia nguvu na kutulisha kukua katika maisha haya mapya?

Nadhani ni neno la Mungu – kupitia maandiko, na wito wa Roho Mtakatifu juu ya miyo yetu. Sisi ni dhaifu, lakini neno lake linatuimarisha. Tuna njaa na kiu, na ni yeye tu anayeweza kututosheliza. Tumezungukwa na chuki na mgawanyiko, lakini baraka zake nydingi zinatuonyesha uwezekano wa upendo na furaha.

Kutokana na uzoefu wa yote ambayo yametolewa ili kutuimarisha, tunaweza kuwaita wengine ili waweze kulishwa kwa zamu. Tunaweza kueneza upendo wa Mungu ili wale wanaotuzunguka pia wapate kuimarihwaa na kusaidiwa na neno lake. Kile ambacho marafiki wetu watao tunaowapeleka kwa Mungu wanachohitaji sana, kimetolewa na Mungu.

Kristo anatuuta tuwe kama watoto, tusijitegemee wenywе, bali kwa ahadi ya Mungu, nafsi ya Yesu, na uwepo wa Roho. Tuwe kama watoto, katika hitaji letu la Mungu, na kumtegemea Yeye peke yake kututia nguvu na kutulisha, tunapokua katika wokovu wake.



1 PETRO 2:5

⁵ *Ninyi nanyi, kama mawe yaliyo hai, mnajengwa kuwa nyumba ya kiroho, ili mpate kuwa ukuhani mtakatifu, mkitoa dhabihu za kiroho zinazokubaliwa na Mungu kwa njia ya Yesu Kristo.*

Katika jengo, kila tofali ni muhimu. Kristo anasema kwamba kila mmoja wetu ni jiwe hai la kanisa lake, linalotegema mwingine na lenye sehemu muhimu ya kufanya katika jengo.

Unapojenga kitu, unaanza na msingi. Hakuna jengo litakalosimama ikiwa misingi si ya kina na si imara. Kama Wakristo, kama mawe yaliyo hai katika ujenzi wa Mungu, tuna msingi mmoja: Yesu Kristo. Tofauti kati ya kuwa mawe hai ya Kanisa, na mbao zisizo hai za ujenzi wetu wenyewe, ni hitaji la kufanya upya, kuimarisha na kusherehekeea misingi yetu katika Kristo kila siku, vinginevyo tuna hatari ya kutenganishwa na kile kinachotushikilia. Tunabomoka mara tu tusiposhikamana na Yesu kama msingi wetu katika maisha yetu yote.

Katika maeneo ambayo Petro anaandika, majengo yangekuwa njia ya watu kuonyesha uwezo na hadhi yao. Si tofauti na leo, watu watajenga majengo ya kifahari, nyumba ambazo zinaashiria mafanikio, uwezo, na hadhi ya kijamii. Lakini Wakristo ambao Petro anawaandikia hawakuwa na uwezo. Wasingewenza kushindana na maonyesho haya ya ukuu, au kusherehekeea imani yao katika uwezo wa Mungu kupitia kujenga maeneo ya kuvutia ya ibada.

Ukizingatia maneno haya itaonekana kuwa kwa Petro hajjalishi ikiwa huwezi kujenga mahekalu makubwa au kujenga majengo makubwa kwa ajili ya Mungu. Mungu hajali maonyesho haya ya nje. Mawe anayoyataka ‘yamekataliwa na wanadamu lakini yamechaguliwa na Mungu’ (1 Petro 2:4). Mungu anawataka walitengwa, wasiotakiwa na jamii, wasiopendwa na waliokataliwa. Hawa ni watu ambao maisha yao yanaweza kuwa ushahidi wa ukuu wake. Maisha yetu, miili yetu, utu wetu, yanakuwa yale ambayo yanashuhudia uwezo wa Mungu ubadilishao, ambaye ana nafasi kwa kila mmoja wetu. Na hali hii hutokea tunapojengwa pamoja katika nyumba ya kiroho kwa ajili ya Mungu.

Kuwa jiwe hai ni kumtukuza Mungu kupitia maisha yetu, badala ya kujenga utukufu au uwezo wetu wenyewe. Ni kubadilisha jinsi tunavyoolewa nguvu na hadhi. Ni kwenda mahali ambapo Mungu anahitaji tuwe. Ni kubadilisha na kubadilishwa – kutoka katika hali ya kupuuzwa, kutozingatiwa, na kukandamizwa – na kuwa sehemu ya mpango mtakatifu wa Mungu. Ni kukaa katika lugha ya kuishi kama watu wa Mungu. Na kila mtu ni muhimu katika hili. Wale watu watano unaowapeleka kwa Mungu katika sala wana sehemu muhimu ya kufanya katika jengo lake. Ni Roho Mtakatifu tu ndiye anayeweza kufanya hivi.



Leo, tunatafakari jinsi maisha yetu yanavyomtukuza Mungu na kushuhudia neema yake, kwa njia ambayo hakuna chochote ambacho tungeweza kujenga wenyewe ambacho kingekaribia kufanana. Tuombe kwa ajili ya misingi ya kina na yenye nguvu katika Yesu ambayo inatufanya tuwe imara, ili Roho Mtakatifu aweze kutujenga katika makao ya utukufu wake.

1 PETRO 2:9-10

⁹Lakini ninyi ni taifa teule, ukuhani wa kifalme, taifa takatifu, watu walio milki ya Mungu, mlolioitwa ili kutangaza sifa zake yeye aliyewaita kutoka gizani mkaingie katika nuru yake ya ajabu. ¹⁰Mwanzo ninyi mlikuwa si taifa, lakini sasa ninyi ni taifa la Mungu. Mwanzo mlikuwa hamjapata rehema, lakini sasa mmepeata rehema.

Ninaona mafungu haya katika 1 Petro kuwa baadhi ya mafungu yanayovutia zaidi katika maandiko. Watu ambao wakati fulani walitengwa sasa wanakumbatiwa. Wale waliokuwa uhamishoni, sasa wamechaguliwa. Waliotukanwa wamefanywa watakatifu, waliokataliwa wanapendwa.

Wale ambao Petro anawaandikia wanajua jinsi ilivyo kutengwa, kukandamizwa, na kunyanyaswa kwa sababu ya imani yao. Ni watu wasio na hadhi – isipokuwa machoni pa Mungu. Hawafahamiki na hawaonekani na si watu muhimu. Isipokuwa kwa Muumba wa ulimwengu.

Katika mstari huu, tunaitwa, pengine tunapewa changamoto, tujione si kama ulimwengu utuonavyo, lakini kama Mungu anavyotuona. Tumeitwa ili tujichunguze si kulingana na maadili ambayo yanaonekana kuwa muhimu kwa ulimwengu, hadhi, utajiri, uwezo, bali kulingana na upendo wa Mungu usio na mipaka katika Kristo. Kwa sababu ya kazi ya Mungu kwa ajili yetu katika Kristo tunaitwa wanaostahili, wanaopendwa, wateule. Unaitwa unayestahili, unayependwa na mteule machoni pa Mungu.

Hivi ndivyo tunavyojifunza kuwa watu wa Mungu, ‘milki yake maalumu’, badala ya watu kushikamana na ulimwengu huu. Hadhi yetu ni ile inayobainishwa kwa wingi, tumaini, uaminifu, na upendo. Kile ambacho Kristo amefanya ni kuwapa watu, ambao walikuwa wameambiwa hawana thamani, wahisi wana thamani ya milele. Tunapofikiri kuwa hatuna maana, hatuna umuhimu, watu walioshindwa, au wenye aibu, neno la Mungu linatukumbusha kuwa sisi ni akina nani; watu wa Mungu wenywewe.

Huu ni upendo unaotubadilisha. Lakini kwa kusudi. Kwa maana kupitia karama kuna wito, ili *‘kutangaza sifa zake yeye aliyewaita kutoka gizani mkaingie katika nuru yake ya ajabu’*. Tunabadilishwa kuwa mawakala wa mabadiliko ya Mungu; macho yetu yanafunguliwa ili tuweze kuwawezesha wengine kuona kweli.

Hii inashughulikia tabia ya binadamu kuwaona wengine kuwa wapo ‘chini’, jambo ambalo tunafanya kwa sababu mbalimbali zotezote. Katika Kristo Mungu amewachagua pia, wamejumuishwa, pamoja nasi, kama sehemu ya watu wake. Hatuwezi kuweka mipaka au kuta kati yetu. Wale ambao tunaweza kujaribiwa kuwatenga, kuwapuuza, na kuwakataa ni wale ambao Mungu huwakusanya na kuwakaribisha.

Fikiria marafiki zako watano, wamejumuishwa kwenye orodha hii. Ah! kwamba Roho atawaingia kwamba wataelewa.

Mabadiliko ni ya ajabu. Alama zetu za aibu huwa ishara za upendo wa Mungu. Tunapoomba leo, tuahidi kumwona kila mtu tunayekutana naye kupitia macho ya upendo ya Mungu.



1 PETRO 3:4

⁴Badala yake, kujipamba kwenu kuwe katika utu wenu wa moyoni, yaani uzuri usioharibika wa roho ya upole na utulivu, ambayo ni ya thamani sana machoni pa Mungu.

Wakati tunaombwa sana tangu miaka yetu ya mwanzo tusihukumu kitabu kwa jalada lake, ni kitu ambacho tuna wakati mgumu kukifuata. Lakini maandiko hayalingani na hatari za kuhukumu kwa kile tunachokiona; *'Msitoe hukumu kwa kuangalia mambo juu juu. Hukumuni kua haki'* (Yohana 7:24). Haishangazi – watu wengi waliomwona Kristo msalabani walimtambua tu kuwa ni mhalifu, mtu anayeteseka kwa kifo cha aibu na cha fedheha. Walichokiona zaidi ni masihi aliyeshindwa – wakashindwa kuona ukweli wa ajabu - Mungu akishinda uovu kwa ajili yetu. Mambo huwa hayaendi kama yanavyoonekana.

Lakini mwonekano ni muhimu katika ulimwengu wetu. Tunahisi kuna mengi katika jinsi tunavyoijiwasilisha. Hivyo wengi wetu tunahisi tunapaswa kujifanya, ili tuonekane tunafaa, tuishi kwa namna fulani ili tukubaliwe. Dhana zetu kuhusu uzuri hutokana na uhaba; ni za muda mfupi na zenye kikomo; ni sababu ya kujilinganisha na wivu, kujihami na kuhusu huna kitu.

Hivi sivyo Mungu anavyotuthamini, na sivyo anavyotaka tujithamini.

Kinyume chake, sifa ambazo Mt. Petro anaita ‘roho ya ndani’ ni nyingi na hazina kikomo. Zinatufanya tuwe na furaha, badala ya wivu, tuliohamasika badala ya kutojiamini. Kutegeneza uzuri wa nje ni jaribio la sisi wenyewe kujihisi vizuri. Kujenga uzuri wa ndani hufanya wengine wajisikie vizuri pia.

Wanawake ambao Petro anawahutubia katika mstari huu wana hadhi ndogo ya kijamii. Lazima mara nyingi walikuwa wafanywa kama vitu, wakionekana kama kitu cha ‘kumilikiwa’ badala ya kama binadamu mmoja mmoja wanaotazamwa na kupendwa na Mungu. Lakini Petro anatambua kuwa wana maisha ya ndani yenye utajiri – ambayo ni ya unyenyekevu kwa matarajio ya wakati huo - maisha waliyoishi si kwa ajili ya watu wengine bali kwa ajili ya Yesu. Petro anathibitisha kwamba si wanaume wala mabwana walio na mamlaka kuu, bali ni Mungu anayetuumba kwa mfano wake.

Kristo Yesu – yule ambaye Mungu ameumbwa ndani yake - anatuita tuwaone watu kwa jinsi walivyo. Ni wito kweli wa kuwasikia na kuwajua watu vizuri, kufanya kazi na Roho wa Mungu ambaye hukutana nasi na kutufungua katika maeneo yetu ya ndani kabisa. Mara nyingi tunawaambia watu juu ya Yesu bila kujaribu kusikia hadithi yao kwanza. Mara nyingi tunahukumu kabla ya kujua ukweli. Leo tunatafakari juu ya uzuri wa kweli ambao hakika tutakutana nao ikiwa tutaweka tumaini letu katika upendo mwingu wa Mungu, badala ya hofu yetu ya kuonekana kuwa hatutoshi. Ni Mungu tu anayeweza kuwezesha hili.



Hebu basi tuwaombee marafiki zetu watano, kwamba Mungu aungane nao kuitia Roho wake kwenye roho zao.

Kitu pekee kinacholeta watu kwa Mungu ni nafsi ya Yesu na kazi ya Roho. Hahitaji kitu kingine kutoka kwetu, Yeye anahitaji tu upendo wetu.

1 PETRO 3:18

¹⁸ *Kwa kuwa Kristo naye aliteswa mara moja tu kwa ajili ya dhambi, mwenye haki kwa ajili ya wasio haki, ili awalete ninyi kwa Mungu. Mwili wake ukauawa, lakini akafanywa hai katika Roho.*

Mateso ni sehemu isiyoepukika ya maisha yetu. Petro anaziandikia jamii zinazoteseka, watu ambao wanapata shida kubwa kwa sababu ya imani yao katika Kristo. Ujasiri wao na udhaifu wao wakati wa ukimbizi huu, Petro anaonekana kupendekeza, si tu ishara ya imani yao kwa Kristo, lakini hufuata mfano wa Yesu wa Msalaba.

Kuwa Mkristo hakufanyi mtu aepuke mateso. Kifo na ufufuo wa Yesu hauuondolei uzoefu wenye maumivu, hisia za kukataliwa au kupotea. Hakizui mambo mabaya kututokea. Tutaumia, tutahuzunika, tutadhalilika. Hatimaye tutakufa. Kile ambacho Yesu ametufanya hakituhakikishii maisha yasiyo na maumivu.

Lakini kile ambacho kifo chake kinafanya ni kutufungulia mlango wa kujua na kupata baraka za Mungu, hata – wakati mwininge sana na kwa kina - katikati ya mateso. Kile ambacho mateso ya Kristo msalabani hutoa ni ukaribu wa Mungu ambaye anatupenda sana kiasi kwamba alikuwa tayari kubeba maumivu ambayo hapo awali tulipaswa kuyapitia sisi. Kile ambacho ufufuo wake unaahidi ni uzima wa milele pamoja na Baba, hata katika hali halisi ya maisha yetu ya muda mfupi.

Jambo la ajabu zaidi ni kwamba Mungu anateseka maumivu haya yasiyofikiriwa kwa ajili yetu, wakati tulikuwa bado maadui zake. Yuko tayari kufa kwa ajili yetu, ingawa sisi ndio tuliomkataa. Tunapoendelea kuomba leo kwa ajili ya wale watano ambaobado hawajaja kwa Yesu, hebu tusherehekee ukweli kwamba Kristo tayari amekufa kwa ajili yao, tayari anawahesabu kama wapendwa, na anatamani kuwa pamoja nao katika maumivu yao pia. Tunaomba kwamba waweze kufanywa hai na Roho wake Mtakatifu.

Katika kifungu hiki, Petro anaweka mateso kwenye mhimili mpya, wa ulimwengu. Kile ambacho Mungu amefanya kwa ajili yetu kinasikika katika ulimwengu wote, lakini kinatokana na mtu mmoja aliyepigwa na kuumizwa. Baadaye, Petro anaandikia: ‘*Mnashiriki mateso ya Kristo, ili mpate kufurahi na kupiga kelele kwa furaha utukufu wake utakapofunuliwa.*’ Mateso yetu hayana maana kwa Mungu ambaye anajua kwa undani mateso. Lakini wala si ya mwisho. Upande wa pili wa mateso kuna ushindi. Kwa kile kilichotokea katika Yesu kinatokea ndani yetu – kifo katika mwili lakini kuwa hai katika Roho.

Hebu wale unaowajua ambao wanapata mateso leo wahisi mikono ya Mungu ikiwafariji na kuwaongoza. Pamoja na mateso, Mungu hajawahi kuwa neno la mwisho.



1 PETRO 4:6

“Kwa kuwa hii ndiyo sababu Injili ilihubiriwa hata kwa wale waliokufa, ili wahukumiwe sawasawa na wanadamu wengine katika mwili, lakini katika roho waishi kulingana na Mungu aishivyo.

Wakati mwingine huwa tunafanya mambo yale yale tunayotaka sana kuyaepuka. Jambo moja ambalo mara nyingi tunaogopa, na bado tunajitengenezea wenyewe, ni kujitenga. Tunahisi kujitenga na wale walio tofauti na sisi, wale tunaowaona kuwa ni ‘wengine’. Tunahisi kutengwa na wale waliotangulia. Wakati mwingine tunahisi kutengwa na Mungu. Baadhi ya watu tunafikiri tuko nje ya uwezo wetu. Wakati mwingine tunajihisi hatufikiki, tumemezwa na giza, upweke na woga.

Ni ujumbe gani basi mkubwa kwetu katika kifungu hiki. Yesu anashuka gizani, katika maeneo tunayoyaogopa sana, ili atutoke katika kifo na kutuingiza katika uzima. Wale wanaoteketezwa na giza husikia Habari Njema na kuletwa katika nuru tukufu ya Mungu. Wale ambao wamekufa wanafanya waishi maisha mapya, ambayo yanashuhudia miujiza ya Mungu.

Watu wengi wanaweza kuwa hai kimwili, lakini hawaishi kweli. Kuna wale ambao wanaishi wakiwa wamemezwa na mazingira, hali, na wasiwasi. Injili huwapa watu maisha mapya – Mungu hugeuza mambo yasiyowezekana hadi kuwa mambo ya kukumbukwa, kukataliwa kuwa kukubalika, kifo kuwa maisha mapya. Inasema kwamba hakuna mtu ambaye ameshindikana kuokolewa. Hakuna dhambi ambayo Mungu hasamehi wakati toba ni ya kweli. Wale ambao tunaacha, ambao tunawaona kuwa tumaini la zamani, Mungu haachi kamwe kutafuta. Wakati wanapopatikana, Mungu anasherehekeea: *‘Furahini pamoja nami; nimewapata kondoo wangu waliopotea’* (Luka 15: 6).

Ukarimu wa Mungu unafurika kwa nguvu kiasi kwamba hata kifo kinafutwa. Ingawa hatuelewi kikamilifu taratibu za wokovu, tunakutana na yule anayehuisha wafu.

Pale ambapo watu wamageuka, Mungu anawakaribisha. Ambapo tunajaribiwa kuhukumu, Mungu anatuita tupende. Mwili unapokufa bila, roho huishi. Ni wito wa kuishi kulingana na viwango vya Mungu, badala ya kunyauka kulingana na viwango vyetu. Omba leo kwa ajili ya marafiki zako watano; Roho wa yule anayevuka kila mpaka kuleta ujumbe wa upendo wake anaweza kuwafikia.

Mnapowaombea watu wenu watano leo, kumbukeni jambo hili: hakuna mtu aliye juu ya uwepo na ahadi ya Mungu.



1 PETRO 4:14

¹⁴ *Kama mkitukanwa kwa ajili ya jina la Kristo, mmebarikiwa, kwa sababu Roho wa utukufu na wa Mungu anakaa juu yenu.*

Matumaini katikati ya mateso ni mada iliyo wazi katika Kitabu cha 1 Petro. Ni faraja na ahadi – mateso yataleta utukufu. Hufanya kazi katika zamani, sasa na baadaye: Yesu ameshinda msalabani na katika kumfufua Mungu Baba ameshinda kifo. Roho Mtakatifu yuko pamoja nasi hapa na sasa. Kristo atarudi akiwa katika utukufu. Kuna kila sababu ya matumaini.

Hapa, Petro anachukua kitu kinachoonekana katika ulimwengu wa kisasa kuwa ni aibu – kwa jamii anayoiandikia, na kwa watu wengi ulimwenguni leo, ni kuwa Mkristo.

Yesu alikuwa wakati akifanyiwa dhihaka, kutukanwa, na kuchezewa. Alikuwa kwa aibu. Walakini hiki ndicho alichozaliwa kufanya, saa ambayo alikuja. Maana kifo hiki hufunua utukufu wa Mungu. Utukufu wa Mungu unaonekana katika unyonje wa Kristo, jinsi Mungu anavyochukua dhambi zetu na kushiriki maumivu yetu. Utukufu wa Mungu ni jinsi anavyotupenda. Kifo hiki cha aibu hubadilisha aibu kuwa ushindi, kukosa utakatifu kuwa utakatifu.

Maisha kama Mkristo si mateso yote. Ni kuwa na furaha ambayo huletwala na ukahika wa matumani, hata katika nyakati za giza kabisa. Ahadi ya ulimwengu ambapo kila kitu siku moja kitafanywa kuwa kipywa.

Watu wanapoona wanaishi katika tumaini, mambo ya ajabu yanaweza kutokea. Mungu aliye hai huwapa watu tumaini hai.

Tunapoishi kama Wakristo tunapata baraka za Mungu, kama tunavyojua mateso ya wanadamu. Mtakatifu Paulo anazungumza kuhusu sisi kushiriki mateso yake, ili tuweze kuingia katika utukufu wake. Ni kina cha utukufu unaopatikana katika maeneo yasiyotarajiwa, katika pembe nyeusi zaidi, kwa wale ambao wamekataliwa na kunyanyaswa. Ni kujua kwamba Mungu anatuona kuwa tunastahili kufa, na kwamba hakuna uzoefu wa mateso au huzuni unaoweza kushinda uwezo wa Mungu kuleta uzima.

Hii ni kazi ya Roho Mtakatifu. Chochote tunachopitia, sala, ‘Njoo Roho Mtakatifu’ hubadilisha mambo. Omba zaidi hasa Roho Mtakatifu afanye kazi kwa marafiki zako watano ili wawewe kuingia katika utukufu kupitilia mateso ya Kristo.

Katika uzuri, ukuu, na furaha ya maisha yetu, pamoja na mateso na maumivu, ni utukufu wa Mungu ambaye atakuja tena.

Roho wa utukufu na awe juu yako, na juu ya wale unaowaombea, leo na siku zako zote.



Vielelezo vimefanywa na Anna Heslop.
Wasiliana na Anna kuoitia Instagram:  miss_print_19

thykingdomcome.global



 CHURCH HOUSE
PUBLISHING

